

& minimae formae, descripta & enarrata per Carolum Patinum, D. Medicum Parisiensem. Argentinae. Librum, omnino eximum, dono misit Patinus, Ser. Duci FRIDERICO AVGVSTO. Exstat exemplum libri in Bibliotheca Musei Ducalis, cuius primo folio nudo, sequens inscripta est Patini manu, epistola, quam heic legendam exhibuisse, vt spero, non pigebit: „Serenissimo Principi Friderico Augusto, Württembergiae &c. Duci, Domino suo in aeternum colendo S. P. D. Carolus Patin. Ex primo illo tempore, quo te mihi videre contigit, Princeps Serenissime, incredibile est dictu, quanto tui amore fuerim incensus. Etenim & singulares tui mores tali Principe dignissimi, & magnus ille animus tuus, quo praecipuo naturae munere ad praeclara quaeuis & maxima natus es, in summam me sui admiracionem amoremque adduxerunt. Accedit summa tua in me benevolentia, qua me es hactenus amplexus. Quare omnis prope officii expers viderer, si tantum principem & mei amantem non adamarem. Ut ergo mei erga te obsequii signum habeas, curavi hocce munusculum ad Te deferendum, partim ut pro tuo in me fauore gratias rependam, partim ut materiam suppeditarem in qua tempus quod caetera studia, in quibus nunc totus es, reliquum tibi faciunt, non sine maxima vt spero jucunditate consumere possis; atque cum antea domestica tibi